

EKINTZAILTZARAKO ETA TURISMO-ENPRESEN LEHIAKORTASUNAREN HOBEKUNTZARAKO LAGUNTZAK - EMET

MAIZ EGITEN DIREN GALDERAK (FAQ)

Pertsonak (fisikoak eta juridikoak) jardunean egon behar dira laguntza bat eskatu ahal izateko?

"**Turismo-enpresen lehiakortasuna hobetzeko laguntza-lerroari**" (II. eranskina) ataleko laguntza eskatzen duen pertsonak laguntza eskatzen duen eta titularra den turismo-establezimenduan edo -negozioan jardun beharko du, eta EAEko Turismo Enpresen eta Jardueren Erregistroan* inskribatuta egon beharko du haren titular gisa eskabidea aurkezten duen egunean; gainerako tipologietarako, data horretan, eskatzaileak alta emanda egon beharko du dagokion ekonomia-jardueren gaineko zergaren epigrafean, jarduera laguntza eskatzen duten negozio edo establezimenduan gauzatzen duela egiaztatzeko

** Ostatu-enpresa turistikoak, bitartekaritza-enpresak eta autokarabanentzako harrera-eremu bereziak.*

"**Turismo-negozio berriak sortzeko laguntzen lerroari**" (I. Eranskina) ataleko laguntza eskatzen duen pertsonak laguntza eskatzen duen eta titularra den turismo-establezimenduan edo -negozioan jardun beharko du, eta EAEko Turismo Enpresen eta Jardueren Erregistroan* inskribatuta egon beharko du haren titular gisa eskabidea aurkezten duen egunean; gainerako tipologietarako, data horretan, eskatzaileak alta emanda egon beharko du dagokion ekonomia-jardueren gaineko zergaren epigrafean, jarduera laguntza eskatzen duten negozio edo establezimenduan gauzatzen duela egiaztatzeko

Aurrekoa gorabehera, turismo-negozio berri bat sortzeko ekintzailtza-lerrorako laguntza eskatzen dutenek (I. eranskina), baldin eta aurreikusten badute eskabideak aurkezteko epea amaitu ondoren jarriko dela martxan, 2023ko urtarrilaren 13ra arte atzeratu ahal izango dute baldintza hori betetzeko eginbeharra.

** Ostatu-enpresa turistikoak, bitartekaritza-enpresak eta autokarabanentzako harrera-eremu bereziak*

Otorduak etxera eramateko prestatzen dituen establezimendu bat onuradun izan al daiteke?

Agian. Zerbitzu hori eskaintzen badu **soilik**, EZIN DA onuradun izan laguntza programari dagokionez ez dituelako "Sukaldaritza-enpresa" (jatetxeak, tabernak, kafetegiak eta tankera horretako **establezimendu finkoak**, publikoari oro har irekiak, **tokian bertan** kontsumitzeko otorduak eta edariak eskaintzen dituztenak modu ohikoan eta profesionalean) izateko baldintzak betetzen. Bestalde, zerbitzu horrez gain tokian bertan kontsumitzeko otorduak eta edariak eskaintzen baditu, onuraduna IZAN DAITEKE. Ikus Agindu arautzaileko 3.3 artikulua.

Tabernetako titularrak onuradunak izan daitezke? “Sukaldaritza-enpresa” kategorian sartzen dira?
Bai, baldin eta lokalean jateko janaria eta edaria eskaintzen badute. Edaria bakarrik eskainiz gero, ez lirateke halakotzat hartuko.
Janaria saltzen duen furgoneta baten titularra onuraduna al da?
Ez, laguntza programari dagokionez ez dituelako “Sukaldaritza-enpresa” (jatetxeak, tabernak, kafetegiak eta tankera horretako establezimendu finkoak , publikoari oro har irekiak, tokian bertan kontsumitzeko otorduak eta edariak eskaintzen dituztenak modu ohikoan eta profesionalean) izateko baldintzak betetzen. Ikus Agindu arautzaileko 3.3 artikulua.
LED bonbillak aldatzea, diruz lagundu daiteke?
Instalazio elektrikoko proiektu baten baitan soilik. Bonbilla halogenoak LED bonbillengatik ordezkatzeko soilik, kontsumigarrien birjarpentzat jotzen da eta, ondorioz, ezin da diruz lagundu.
Zer nolako jardueretarako eska dezakete dirulaguntza erabilera turistikoko etxebizitzek?
Kontuan hartuz Turismoaren uztailaren 28ko 13/2016 Legearen 36. eta 38. artikuluen arabera erabilera turistikoko etxebizitzak ostatu- enpresa turistikotzat hartzen direla, ez turismo-ostatu- establezimendutzat , Agindu arautzailearen I. Eranskineko eta II. Eranskineko 2.1.1/2.1.2/2.2.1/2.3.1/2.3.3 apartatuetan jasotako jardueretarako eska dezakete dirulaguntza, betiere horietako bakoitzean eskatzen diren baldintzak betetzen badituzte.
Turismo-enpresa bati alokatutako lokal baten jabe den erakundeak eska al dezake laguntzarik aipatu lokal horrentzat?
Ez, onuraduna turismo-jarduera garatzen duen enpresa da eta, ondorioz, errentaria da, kasu honetan, laguntza eska dezakeena.
Erabilera turistikoko etxebizitzaren enpresa “kudeatzaile” bat, onuradun izango litzateke bitartekaritzako turismo-enpresa gisa?
Erabilera turistikoko etxebizitzaren titularra izan gabe, horiek “kudeatzen” dituen enpresa bat, bitartekaritzako turismo-enpresatzat hartu ahalko da eta, ondorioz, laguntza programaren onuradun izan, betiere turismo-arloko aholkularitza-, bitartekaritza (merkaturatzea)- eta antolaketa-zerbitzuak profesionaltasunez eta ohikotasunez ematen baditu. Enpresa horren helburua, izaera eskusibokoa izan gabe, turismo-enpresaren eskaintzak merkaturatzea bada (kasu honetan, turismo-erabilerarako etxebizitzak), bidaia konbinatua izan gabe, "Turismo-bitartekari" figuraren arabera izan ahalko da, Euskal Autonomia Erkidegoko Turismoari buruzko uztailaren 28ko 13/2016 Legearen 59.2 artikuluan zehaztutakoaren arabera. Turismo bitartekariak, jarduera garatu ahal izateko, Euskadiko Turismo Enpresen eta Jardueren Erregistroan (ETEJE) inskribatuta egon beharko dira eta aipatutako legearen laugarren xedapen iragankorrean xedatutakoa betetzea.

